

3 / 07

# Irizpena

KULTURA EKINTZAILEARI ETA  
ENPRESEN SORKUNTZARI  
LAGUNTZA EMATEKO  
DEKRETUAREN BIGARREN  
ALDAKETAREN

Dekretuaren Proiektuari buruzkoa

Bilbon, 2007ko maiatzaren 23an



C E S

Euskadiko Ekonomia eta Gizarte  
Arazoetarako Batzordea

Consejo Económico  
y Social Vasco

© Argitalpena: Euskadiko Ekonomia eta Gizarte Arazoetarako Batzordea  
Gran Vía, 35-1. solairua  
48009 Bilbo  
[www.cesvasco.es](http://www.cesvasco.es)

Maketazioa eta fotomekanika: Argia Servicios Gráficos, S. L.

Inprenta: Gestingraf, S. A. L.

Lege Gordailua: BI-1216-07

# Irizpena

## I AURREKARIAK

2007ko apirilaren 26an Euskadiko Ekonomia eta Gizarte Gaietarako Batzordean Eusko Jaurlaritzako Justizia, Enplegu eta Gizarte Segurantzaren Saileko idazkia aurkeztu zen, Kultura Ekintzaileari eta Enpresen Sorkuntzari Laguntza emateko Dekretuaren bigarren aldaketaren Dekretuaren Proiektuari buruzko irizpenaren eskaeraren berri eman duena, Euskadiko Ekonomia eta Gizarte Gaietarako Batzordearen ekainaren 27ko 9/1997 Legearen 3. artikulua 1.a) atalean ezarritakoa aintzat hartuta.

Hona hemen dekretuaren proiektu horren aurrekariak:

- 2003-2006ko enpleguaren erakunde arteko Plana, Gobernu Batzordeak 2003ko uztailaren 12an onetsi zuena. Plan hori enpleguaren politika aktiboen alde Gobernuak hartu duen konpromisoa baieztatzen du, eta, beste helburu batzuen artean, kultura ekintzailea eta autoenpleguen eta enpresa txikien sorkuntza sustatuko du;
- Kultura Ekintzaileari eta Enpresen Sorkuntzari Laguntza emateko abenduaren 23ko 328/2003 Dekretua, Batzordeak 2003ko abenduaren 19an ezagutarazi zuena.
- Aurreko dekretua aldatzeko uztailaren 26ko 191/2005 Dekretua, Batzordeak 2005eko maiatzaren 25ean eman zuena.

Berehala, agiriaren kopia Batzordeko Osoko Bilkuraren kide guztiei bidali zitzaizkien, egokitutako proposamenak eta iritzirik igortzeko xedearekin, eta, aldi berean, horiek Batzorde Iraunkor edo Lan Batzorde egokira igorri ziren, Euskadiko Ekonomia eta Gizarte Gaietarako Batzordearen Funtzionamenduari buruzko Erregelamenduan ezarritakoari helduta.

Maiatzaren 18an egindako lan-bileran Ekonomia Garapenerako Batzordea bildu zen Irizpenaren Aurreproiektuaren lehenengo proposamena eztabaidatzeko, eta bertan Batzordearen Osoko Bilkuraren kideek ekarritako oharrik ondoren horretarako zehaztutako epean jaso ziren. Batzorde horrek erabakitakoa abiapuntu hartuta, Irizpenaren Proiektua 2007ko maiatzaren 23an Euskadiko EGBri igortzen zaio eta aho batez onartzen da.

## II EDUKIA

Kultura Ekintzaileari eta Enpresen Sorkuntzari Laguntza emateko abenduaren 23ko 328/2003 Dekretua onetsi denetik hiru urte igaro ondoren, bigarren aldaketa egiteko proiektua aurkeztu da, eta horren xedea lehenengo dekretuan, bere IV. kapituluan (Enpresa Egitura Berrien Sorkuntzarako Diru-laguntzak) lan-sozietate anonimoaren, lan-sozietate mugatuaren edo kooperatiba-sozietatearen izaera hartzen duten proiektuekin zerikusia duen kanporaketa ezabatzea da.

Bigarren aldaketa horretan zioen azalpena, 5 artikulua eta azken xedapen bakarra ageri dira.

Zioen azalpenean ezarritakoaren arabera, abenduaren 23ko 328/2003 Dekretuan IV. Kapituluari (Enpresa Egitura Berrien Sorkuntzarako Diru-laguntzak) ezarri diru-laguntzak lan-sozietatearen, lan-sozietate mugatuaren edo kooperatiba-sozietatearen forma juridikoa hartzen duten proiektuek jasotzeko aukera ezabatzen da; eta proiektu horiek diru-laguntzak eskuratzeko beste betekizun eta kopuru ezberdinak dituzten programen laguntza jasotzen dute. Halaber, enpresa-idea garatu nahi zuten pertsona interesdunek arazo larria zuten, hots, edozein forma juridiko zehaztuta ere eskuratu dezaketen diru-laguntza mota mugatzen zen, eta, neurri handi batean, eratu beharreko sozietate-eredua aukeratzeko askatasuna ere mugatuta geratzen zen.

Diru-laguntzak jaso ditzaketen araubideen bikoiztasunaren oinarria eztabaidatu ondoren, beharrezkotzat jo da programa berdinarekin mendeko enpresa-egiturak sortzeko sustapenera zuzendutako diru-laguntzak bat egitea, 328/2003 Dekretuaren aplikazio-eremuan enpresa-ekimen guztiak barnean hartuta, hartutako forma juridikoa kontuan hartu gabe.

### Xedapen-testua:

---

*Lehenengo artikuluan*, 328/2003 Dekretuaren 39. artikuluan 2. paragrafoa aldatu da. Hain zuzen ere, 3. paragrafo bihurtuko da eta 2. paragrafo berri bat gehitu da. Kasu horretan, proiektu kolektiboetan, sozietatearen kapital osoa langileak diren bazkide guztien partaidetzarekin osatuta egoteko betekizuna malgutzen da, hau da, langileak ez diren bazkideen partaidetza ere gehienez sozietatearen kapitalaren herena izan daiteke. Gisa berean, bazkide guztiak pertsona fisikoak izateko nahitaezkoasuna ezarri ostean, salbuespenez arrisku-kapitala duten erakundeek, kooperatiba-sozietateen edo lan-sozietateen sustapena gizarte-xede duten sozietateek eta gizarte-bazterkerian aurkitzeko arriskua duten kolektiboen gizarteratzea eta laneratzea gizarte-xede duten sozietateek ere euren partaidetza izan dezakete.

*Bigarren artikuluan*, 328/2003 Dekretuaren 40. artikulua aldatu da, kooperatiba-sozietateen, lan-sozietate anonimoen eta lan-sozietateen bazterketa ezabatuz, onuradun gisa beren beregi sartzeko.

*Hirugarren artikuluan*, 328/2003 Dekretuaren 41. artikulua aldatu da, diru-laguntzen zenbatekoari buruzkoa. Kasu horretan, diru-laguntzak sozietateko fundatzaileek eta hori sortu ostean sartzan direnek ere eskuratu ahal izango dituzte, betiere eskabidea aurkeztu aurretik egiten badute.

*Laugarren eta bosgarren artikuluetan*, 328/2003 Dekretuaren 42. artikuluen 4. paragrafoaren b) eta g) paragrafoak aldatu dira, Gizarte Ekonomiaren Sozietateen sarrerara kontuan hartzeko xedearekin.

*Azken xedapen bakarrean* adierazitakoaren arabera, Dekretua indarrean jarriko da hori Euskal Herriko Aldizkari Ofizialean argitaratu eta biharamunean.

### III OHARRAK

#### Ohar orokorrak

Gure ustez, oso positiboa da Sailak sustatutako aldaketa, baldin eta enpresa-egitura berriak hartzen duen forma juridikoa soilik oinarri hartzen dituen diru-laguntzen araubidean ezberdintasunak ezartzen ez badira, eta ildo beretik jarraitzeko gomen-dioa ematen dugu.

#### Ohar teknikoa

Kultura Ekintzaileari eta Enpresen Sorkuntzari Laguntza emateko 328/2003 Dekretuaren 40. artikuluen lehenengo paragrafoa aldatu duen bigarren artikuluari dagokionez, idazkera hau eman da:

*"Kapitulu honetan aipatutako diru-laguntzen pertsona onuradunak izango dira banaka edo edozein motatako Ondasun Erkidegoaren, Sozietate Zibilaren edo Merkataritza Sozietatearen mende, Lan-sozietate Anonimoak, Lan-sozietate Anonimoak eta Kooperatiba-sozietateak barnean hartuta, hurrengo betekizunak betetzen dituzten pertsona eskatzaileak:"*

Batzordeak hurrengo proposatu du:

*"Kapitulu honetan aipatutako diru-laguntzen pertsona onuradunak izango dira banaka edo edozein motatako Ondasun Erkidegoaren, Sozietate Zibilaren, Merkataritza Sozietatearen edo Gizarte Ekonomiaren Sozietateen mende, hala nola, Lan-sozietateak eta Kooperatiba-sozietateak, hurrengo betekizunak betetzen dituzten pertsona eskatzaileak:"*

Gizarte Ekonomiaren Sozietateen adierazpena beste aldaketa guztiakin homogeneizatzeko helburuarekin, izendapen horren barruan jasotzen diren figura juridikoak zehaztuz. Halaber, kontuan hartu behar da ez dela beharrezkoa lotzea Lan-sozietate Anonimoak Lan-sozietate Mugatuekin. Izan ere, biak Lan-sozietateen barruan jasotzen dira.

#### IV ONDORIOAK

Euskadiko EGKren ustez, Kultura Ekintzaileari eta Enpresen Sorkuntzari Laguntza emateko Dekretuari buruzko bigarren aldaketaen Dekretuaren proiektuaren izapideak behar bezala egin dira.

Bilbon, 2007ko maiatzaren 23an

O.E. Lehendakaria  
Antxon Lafont Mendizabal

Idazkari Nagusia  
Javier Muñecas Herreras